



Auca de AR BREZHONEG




A bep tu d'ar mor 'oa Kelted
Lod Predeniz, lod Galianed
Hag eus Breizh-Veur d'an Arvorig
E teuas tud bep un tammig



Anvioù kozh, darn all nevez
Lok-, Lann- ha Plou-, ha Tre- ivez
Dornskridoù 'vel hini Leyden
A ziskouez ur yezh 'oa da lenn



Lennegezh pobl a veg da veg
Krouiñ 'ra tud e brezhoneg
Gousperoù ar Raned war gan,
Gwenc'hlan, 'n Eostig, gwerz Skolvan



Tost betek Roazhon, Naoned
Du-hont e lez an Duged
E veze komzet brezhoneg
Ha skrivet e Landevenneg



Abred siwazh an Dugelezh,
Dielloù he melestradurezh
D'ar brezhoneg a droas kein
Setu galleg gravet er vein




Koulskoude ar C'hatolikon
'Voe moulet a-raok mil-pemp-kant
Koshañ geriadur brezhonek
Ha koshañ geriadur gallek



Skolioù 'oa evit da Yann Varzh
Deskiñ klotennoù diabarzh
Savet 'voe gwerzioù, kantikoù
C'hoariet 'veze misterioù




E Breizh-Izel ar re vunut
A gomze o yezh, tout an dud
Peizanted, pesketourien
Ha betek noblañsoù bihan



E Frañs a-bezh an holl yezhoù
A voe moulet war skritelloù
E penn-kentañ an Dispac'h bras
A-raok na grogfed d'o argas




Kervarker, an Uhel, Saint-Prix,
Dastumet e voe a-zevri
Teñzorioù al lennegezh pobl
Na pegen kaer, na pegen nobl



Mat-tre ar skol evit an holl
Met perak lakaat en argoll
Ar yezh komzet gant mamm ha tad?
N'eus er skol nemet yezh ar Stad



Feiz-ha-Breiz ? Sur, met deomp pelloc'h
Gant Malmanche ha c'hoazh gant Kalloc'h
Gant Gwalarn ha gant Dihunamb
Savet zo ul lennegezh splann



Ur radio brezhonek ganet fall
Re wir eo, n'eus ket da dortal
Reoù all zo bet abaoe
Kimerc'h, Bro-Gwened ha Kerne



Goude 'r brezel, ur mell cheñch yezh
Brezhoneg dilezet a-bezh
Ar vugale, pebezh mallozh
Ne gomprenont mui o zud-kozh



Met setu 'ta ma c'houlennont
Fest-noz, barzhoneg, son ha ton:
Stivell, Glenmor, Youenn Gwernig
Anjela, Mona ha Naig,



Met setu 'ta ma c'houlennont
Fest-noz, barzhoneg, son ha ton:
Stivell, Glenmor, Youenn Gwernig
Anjela, Mona ha Naig,